

蜀

鑑

第肆冊

蜀

蜀鑑卷第六

氏羗揚氏據武都

晉惠帝元康六年畧陽氏羗揚茂搜保仇池

初畧陽清水氏揚駒始居仇池仇池方百頃其旁平地二十餘里四面斗絕而高為羊腸蟠道三十六回而上至其孫千萬附魏封為百頃王千萬孫飛龍復

強盛徒居畧陽飛龍以其甥令狐茂搜
為子茂搜避齊萬年之亂十二月自畧
陽帥部落四千家還保仇池自號輔國
將軍右賢王○仇池在今成州卽武都
地

愍帝建興二年楊難敵楊虎攻漢中刺史
張光子孟萇死之梁州人張咸起兵逐難
敵

元帝建武二年氐王楊茂搜卒長子難敵
立

茂搜長子難敵與少子堅頭分領部曲
難敵號左賢王屯下辨堅頭號右賢王
屯河池○下辨今成州河池今鳳州

永昌元年趙主劉曜擊楊難敵難敵逆戰
不勝退保仇池難敵稱藩于趙

明帝大寧元年楊難敵與弟堅頭奔漢中

蜀鑑卷六
趙遣擊之以田崧鎮仇池難敵請降於蜀
難敵還武都

秦州刺史陳安據隴右趙主曜擊殺之
難敵懼奔漢中曜以田崧鎮仇池難敵
既送降遂還武都據險不服雄遣李稚
出白水李壽出陰平以擊難敵難敵遣
兵拒之壽不得進李稚及李玲長驅至
下辨難敵遣兵斷其歸路四面攻之稚

玲深入無繼皆爲難敵所殺

太寧三年楊難敵襲仇池克之殺田崧
成帝咸和三年趙劉劭襲楊難敵于仇池
弗克

即掠三千戶而歸

咸和六年蜀李壽攻陰平武都楊難敵降
之

咸和九年仇池王楊難敵卒子毅立

毅自稱左賢王下辨公以叔父堅頭之
子盤爲右賢王河池公遣使來稱藩
咸康四年仇池氏楊初襲殺毅自立爲仇
池公

初毅族弟稱臣於趙

穆帝永和九年秦攻楊初於仇池爲初所
敗

永和十一年楊毅弟宋奴刺殺楊初初子

楊國殺宋奴自立爲仇池公元溫表國爲
鎮北將軍秦州刺史

永和十二年仇池公楊國從父俊殺國自
立國子安奔秦

升平四年仇池公楊俊卒子世立

海西公太和三年楊世稱藩于晉以世爲
秦州刺史

以世弟統爲武都太守世又稱臣於秦

蜀鑑卷六
太和五年楊世卒子纂立

世始與秦絕叔父武都太守統與之爭
國起兵相攻

簡文帝咸安元年秦西縣侯雅楊安姚萇
等伐仇池楊統帥武都之衆降秦亦降秦
以統爲南秦州刺史

秦西縣侯雅楊安姚萇等伐仇池楊纂
帥五萬之衆拒之晉梁州刺史楊亮遣

兵助纂與秦兵戰于峽中纂兵大敗纂
收散兵遁還西縣侯雅進攻仇池楊統
帥武都之衆降秦纂懼面縛出降雅送
纂于長安以統爲南秦州刺史以楊安
鎮仇池

孝武帝寧康元年晉梁州刺史楊亮遣其
子廣襲仇池不克

廣與楊安戰兵敗沮水諸戍皆委城奔

晉書卷六十一
五
潰亮退守磬險九月安進攻漢川

秦王堅伐蜀陷之以楊安鎮成都王統鎮
仇池

太元十年楊定自稱仇池公

秦以楊定為雍州牧楊定徙治歷城置
儲蓄於百頃自稱龍驤將軍仇池公遣
使來稱藩因其所號假之其後又取天
水畧陽之地

太元十九年楊定攻西秦兵敗死定弟盛
稱仇池公遣使稱藩

秦王苻崇為西秦王乾歸所逐奔隴西
王楊定乾歸遣將殺定及崇定無子其
叔父佛狗之子盛守仇池自稱征西將
軍秦州刺史仇池公

太元二十一年封楊盛為仇池公

晉安帝義熙元年仇池王楊盛據漢中

譙縱反蜀大亂漢中空虛氏王楊盛遣其兄子平南將軍撫據之

秦伐仇池攻漢中拔成固楊盛請降于秦秦徙流民三千餘家於關中

義熙三年楊盛遣符宣入漢中刺史正敏攻之盛軍濇口敏退屯武興

盛復通於晉以大將軍授之○濇口在陽平關武興今沔州

義熙十年後秦伐仇池不克

楊盛侵擾祁山秦王興遣趙琨等攻之姚恢出鷲峽姚嵩上羊頭峽胡翼度出汧城興自雍赴之天水太守王松忽言曰先帝神畧無方再入仇池無功而還非楊氏智勇能全也直地勢險固爾使君具悉形便何不表聞嵩不從琨衆寡不敵爲盛所敗

義熙十二年楊盛攻秦祁山拔之

宋武帝永初二年封楊盛爲仇池王

宋文帝嘉二年楊盛卒子玄立

盛聞晉亡不改義熙年號謂世子玄曰

吾老矣終當爲晉臣汝善事宋帝及玄

立使來告喪始用元嘉年號

元嘉三年秦龐諮據武興楊難當將兵拒
諮不克

難當玄弟

元嘉四年楊玄圍秦梁州刺史赫連輔政
于赤水

民執輔政以降輔政至駱口逃還○駱

谷見上注水經云駱谷水南逕仇池郡

魏封楊玄爲南秦王

魏遣公孫軌秦策拜玄玄不出境軌責
讓之玄懼而郊迎

元嘉六年楊玄卒弟難當廢其子保宗而自立

元嘉九年難當以保宗鎮宕昌以其子順守上邦保宗謀襲難當難當囚之

宕昌西羗國名今西和州界後五年釋保宗之囚使鎮董亭

楊難當遣司馬飛龍寇蜀遂陰平太守益州刺史劉道濟擊斬之

益州刺史劉道濟聚斂刻虐流民許穆之變姓名稱司馬飛龍自云晉室親往依難當難當囚民之怨資飛龍以兵使侵擾益州道濟擊斬之蜀人趙廣等因是爲亂殺道濟以司馬飛龍爲名後參軍裴方明討平之踰年而後定

元嘉十年楊難當襲漢川據之

梁秦刺史甄法護刑政不治失氐羗之

和宋帝乃自徙中起蕭思話代之楊難
當因思話未至灑護將下舉兵襲白馬
又攻葭萌法護弃城奔洋川之西城遂
有漢川之地○水經沔水注洋川者漢
戚夫人所生之地帝蠲復其鄉更名曰
縣目曰洋川以表其祥

元嘉十一年蕭思話討楊難當破之復取
漢中

蕭思話至襄陽遣蕭承之為前驅緣道
收兵進據礮頭難當焚掠漢中引衆西
還留趙溫守梁州薛健據廣金山思話
遣陰平太守蕭坦攻鐵城戍拔之臨川
王義慶遣裴方明助承之拔黃金戍溫
弃州城思話擊破之健甲子退保下桃
難當遣其子和將兵與蒲甲子等共擊
蕭承之相拒四十餘日蕭承之以稍擊

之氏不能當走據大桃追斬獲甚衆悉收漢中故地置戍於葭萌水甄法護賜死蕭思話徙鎮南鄭初盛據漢中刺史范元之等皆治魏興惟得魏興上庸新城三郡及索邈為刺史乃治南城至是南城為氏所焚故思話徙焉○寰宇記云黃金城張魯所築水經漢水東逕小大黃金南注云山有黃金峭水北對黃

金谷有黃金戍傍山依峭險於十里氏掠漢中阻此為戍與鐵城相對一城在山上二城在下皆容百許人以其峻險故以金鐵制名下桃城南城北城在城固皆今洋州貞符縣地或言韓信所立或言張良創築葭萌水華陽國志曰漢水有二源西源出隴西蟠冢山會泉逕葭萌入漢

元嘉十三年楊難當自稱大秦王

改元健義然猶貢奉宋魏不絕其後復稱武都王

魏伐楊難當于上邽降之

楊難當據上邽魏遣師討之先遣崔贖齋詔書諭難當難當懼請奉詔攝上邽守兵還仇池難當以其子順爲雍州刺史守下辨

元嘉十六年楊難當寇魏上邽

魏主以璽書責讓難當難當引還仇池元嘉十八年楊難當寇漢川詔裴方明討之

難當傾國入寇謀據蜀土遣符冲出東洛以禦梁州兵劉貞道擊冲斬之難當攻拔葭萌獲晉壽太守申坦遂圍涪城劉道錫嬰城固守難當攻之十餘日不

克乃還詔裴方明討之

元嘉十九年裴方明克楊難當難當奔魏以楊保熾守仇池

裴方明等至漢中與劉貞道分兵攻武興下辨白水皆取之楊難當遣符弘祖守蘭臯使其子和將重兵爲後繼方明與弘祖戰于濁水大破之追和至赤亭又破之難當奔上邽獲其兄子保熾又

獲子虎送建康斬之仇池平以胡崇之爲北秦州刺史鎮其地立保熾爲楊玄後守仇池魏人迎難當詣平城貞道方明竟坐匿金寶善馬下獄死○濁水水經注白水之異名也

元嘉二十年魏擊仇池取之

楊保熾走

魏殺武都王楊保宗宋立楊文得爲武都

王屯葭蘆城

揚保宗謀叛魏魏河間公對鎮雒谷誘保宗送平城殺之鎮東司馬符達遂據兵立揚文德爲主據白崖分兵取諸戍進圍仇池自號仇池公魏遣古弼擊揚文德文德退走皮豹子督關中諸軍至下辨聞仇池解圍欲還弼遣人謂豹子曰宋人耻敗必將復來軍還之後丹舉

爲難不如練兵蓄力以待之不出秋冬宋師必至豹子從之魏以豹子爲仇池鎮將揚文德遣使來求援秋七月詔以文德屯葭蘆城武都陰平氏多歸之○葭蘆水經注羗水又逕葭蘆城南寰宇記在文州曲水縣城五十里宋姜道盛揚文德合衆攻魏濁水戍不克魏皮豹子等救之道盛戰死

元嘉二十四年魏人擊楊文德敗走漢中。楊文德據葭蘆城招誘氐羗武都等五郡氏皆應之魏仇池鎮將皮豹子帥諸軍擊之文德奔漢中宋人削其爵土。

元嘉二十七年取陰平平武郡以楊頭戍葭蘆。

起楊文德為輔國將軍引兵自漢中西入搖動汧隴陰平平武悉平梁南秦刺。史遣文德伐啖提氐不克執送荊州使文德從祖允頭戍葭蘆。

元嘉三十年蕭道成等帥氐羗攻魏武都魏鎮將苟莫干將突騎救之道成等引還南鄭。

孝武帝孝建二年以楊和為政勇將軍楊頭為輔國將軍。

元和保宗子也宋以其幼弱未正位號。

部
落
無
定
主
其
族
父
頭
先
戍
葭
盧
毋
妻
子
弟
並
爲
魏
所
執
而
爲
宋
堅
守
無
貳
心
王
元
謨
請
以
頭
爲
西
秦
州
刺
史
安
輯
其
衆
俟
元
和
稍
長
使
嗣
故
業
若
其
不
稱
卽
以
授
頭
必
能
藩
扞
漢
川
使
無
虜
患
若
葭
盧
不
守
漢
川
亦
不
可
立
矣
不
從

明帝泰始二年以楊僧嗣為武都王

初武都王楊元和奔國奔魏從弟僧嗣復自立屯葭盧蕭惠開復遣兵至梁州楊僧嗣帥羣氏斷其道間使以聞以僧嗣為武都王惠開自益州舉兵多任刑誅蜀人猜怨合兵圍成都上赦其罪圍亦解

蒼梧王元徽元年楊僧嗣卒於葭盧弟文度立降魏

魏以文度為武興鎮將

順帝昇明元年楊文弘襲魏仇池陷之魏皮歡喜等討之文弘弃城走魏拔葭蘆斬楊文度以其弟文弘爲武都王

魏皮歡喜拔葭蘆斬文度魏以楊難當族弟廣香爲陰平公葭蘆戍主仍詔歡喜築駱谷城文弘奉表謝罪於魏遣子苟奴入侍

齊高帝建元元年魏葭蘆鎮主楊廣降於齊

建元二年齊以楊難當之孫後起爲武都王鎮武興

武帝永明四年氐王楊後起卒種人集始立

集始文弘之子也後起弟後明爲白水太守魏亦以集始爲武都王

永明十年楊集始寇漢中至白馬梁州刺

史陰智伯擊破之

集始走還武興請降于魏

明帝建武二年魏圍南鄭不克

魏仇池鎮將拓拔英圍南鄭梁州刺史
蕭懿誘仇池諸氏斷其運道英全軍還
建武四年氏帥楊靈珍來降遣其弟襲武
興王集始殺其二弟集同集衆集始亦來
降魏遣李崇伐之古元武興楊靈珍奔齊

李崇槎山分道出氏不意表裏襲之羣
氏皆奔楊靈珍散歸崇進據赤土靈珍
遣從弟建屯龍門自帥精勇一萬屯鷲
峽龍門之北數十里中伐樹塞路鷲峽
之口積大木聚礮石臨崖下之以拒魏
兵崇命慕容紹從它路夜襲龍門破之
崇自攻鷲峽靈珍連戰敗走獲其妻子
遂克武興靈珍奔還漢中魏主聞之喜

曰使朕無西顧之憂者李崇也晉以靈珍為仇池公武都王

齊東昏侯永元二年楊集始自齊降魏守武興

集始將衆萬餘自漢中北出規復舊地魏梁州刺史楊椿遺集始書開以利害集始遂降魏魏人還其爵位使守武興梁武帝天監二年楊集始卒子紹先立

紹先幼國事決於二叔父集起集義天監四年漢中太守夏侯道遷殺楊靈珍以漢中叛降于魏

夏侯道遷為南譙太守奔魏魏使道遷從王肅鎮壽陽以道遷守合肥肅卒道遷棄戍來奔從梁州刺史莊立黑鎮南鄭以道遷領漢中太守黑卒詔以王珍國為刺史未至道遷謀降于魏先是楊

靈珍來奔以為假武都王助戍漢中有部曲六百餘人道遷憚之發兵擊靈珍父子斬之遂送於魏魏以邢巒為征梁益諸軍事魏擊諸城戍所向摧破晉壽太守王景嗣據石亭巒遣將擊走之巴西太守龐景民據郡不下郡民嚴玄思附於魏攻景民斬之楊集起集義聞魏克漢中而懼遂帥羣氏叛魏斷漢中糧

道巒屢遣兵擊破之梁遣陵戍深阬魯方達成南安女任僧報等戍石同以拒魏邢巒遣王口处將兵擊破之遂入劔閣陵等退保梓潼梁州十四郡地東西七百里東北千里皆入于魏○石亭水經注漢水逕西石亭深坑在今梁州北南安李膺記云宋置南安在今劔州晉成縣南石同在利州西今名石同谿按南

鄭非魏能取之乃夏侯道遷以之降魏也然魏得仇池則漢中亦漸孤矣

天監五年魏執楊紹先滅之置東益州紹先稱帝集起集義稱王圍魏關城邢巒使傅豎眼破之克武興執楊紹先送洛陽楊集起楊集義亡走遂滅其國以爲武興鎮又改爲東益州○按武都郡即今階成鳳沔文五州之地自晉惠帝元

康六年丙辰楊茂搜據之至梁天監五年丙戌爲後魏所滅凡二百一十一年論曰蜀長江之上流也褒斜漢中蜀之門戶也武都又漢中之藩籬也江左君臣視蜀如土梗弁髦然自以爲長江全勢無俟乎蜀也蜀與漢中置之度外而區區氏羗遂得以據四州之險歷二百年而后亡然無武都則無漢中無漢中

則無蜀蜀非梁有一傳為陳而江左之
勢孤矣已事之覆轍可不鑒乎雖然以
武都四州之地而氏羗恃以立國者二
百年曾謂以吳蜀之全力而不能守乎
蜀刺史始不專用武人

齊武永明二年始以始興王鑑為益州刺
史

晉氏以來益州刺史皆以名將為之帝

以始興王鑑為刺史先是劫帥韓武方
聚黨千餘人斷流為暴郡縣不能禁鑑
行至上明武方出降僚佐咸請殺之鑑
曰殺之失信且無以勸善乃宥之於是
巴西蠻夷為寇暴者皆望風降附鑑時
年十四喜文學器服如素士蜀人悅之
○晉宋齊梁益州刺史○晉周撫○周
楚撫之子○周仲孫○羅友○司馬軌

蜀鑑卷六
之○鮑陋○宋張茂度○劉道濟激趙
廣之變○甄灋崇○周籍之○蕭惠開
多任刑誅晉原一郡反○齊始興王鑑
年十四○劉悛爲江淹奏贓貨鉅萬在
益州置金浴盆○梁劉李連反○魯休
烈○鄧元起○蕭淵猷○蕭淵藻○武
陵王紀十七年○見於史者十九人論
曰巽巖李氏曰自晉永和而元溫始平

李氏訖梁承聖而蜀乃盡入于周跨歷
四代咸撫而有雖符堅之侵陷譙縱之
盜竊聲教暫阻而旋即討平其職貢于
江東者年所居多而蜀士未有光顯者
豈果無人當兩漢之際蜀人文章節義
足以冠冕海內柱石帝京夫豈足用于
兩漢而無用於晉宋齊梁者失在於不
能招徠之也愚按蜀之士大夫狼狽於

杜弢之流徒空虛於蠻獠之衝突非復
兩京之舊矣爲益州刺史者類無豈弟
之政一始興王鑑乳臭少年粗好文學
而蜀人已歸之邢巒所謂蜀之民望文
學風流亦爲不少率居山谷不獲仕進
則流風餘俗豈盡泯哉李文簡公之論
其亦深究當時之實矣

魏邢巒謀伐蜀

梁天監四年魏統軍王足進攻涪城

梁將魯方達王景嗣等三十九人皆敗
死蜀人震恐益州城戍降魏者什二三
民自上名籍者五萬餘戶

魏梁州刺史邢巒上表請伐蜀不報魏王
足奔于梁巴西復降于梁

巒上表曰建康成都相去萬里陸行旣
絕惟資水路水軍西上非周年不達益

州外無軍援一可圖也頃經劉季連及
鄧元起敗圍資儲空竭吏民無復固守
之志二可圖也蕭淵藻羣屐少年未洽
治務宿昔名將多見囚戮今之所任皆
左右少年三可圖也蜀之所恃唯在劍
閣今既克南安已奪其險據彼境內三
分已一自南安向涪方軌無礙前軍累
敗後衆喪魄四可圖也淵藻是蕭衍骨

肉至親必無死理若克涪城淵藻安肯
城中坐而受困必將望風逃去若其出
關庸蜀士卒驚怯弓矢寡弱五可圖也
臣內省文吏不習軍旅賴將士竭力頻
有薄裨既克重阻民心懷服瞻望涪益
旦夕可圖正以兵少糧匱未宜前出今
若不取後圖便難况益州殷實戶口十
萬比壽春義楊其利三倍朝廷若欲進

取時不可失若欲保境寧民則臣居此
無事乞歸侍養魏主詔以平蜀之舉當
更聽後敕寇難未夷何得以養親爲辭
巒又表稱昔鄧艾鍾會帥十八萬衆傾
中國資儲僅能平蜀所以然者鬪實力
也况臣才非古人何宜以二萬之衆而
希平蜀所以敢者正以據得要險士民
慕義此往則易彼來則難任力而行理
有可克今王足已逼涪城脫得涪則益
州乃成擒之物但得之有早晚耳且梓
潼已附民戶數萬朝廷豈可不守又劔
閣天險得而棄之良可惜矣臣誠知戰
伐危事未易可爲自軍度劔閣以來鬢
髮中白日夜戰懼何可爲心所以勉強
者旣得此地而自退不守恐負陛下之
爵祿故也且臣之意竝正欲先取涪城

蜀鑑卷六
以漸而進若得涪城則中分益州之地
斷水陸之衝彼外無援軍孤城自守何
能復持久哉臣今欲使軍軍相次聲勢
連接先爲萬全之計然後圖功得之則
大利不得則自全又巴西南鄭相距千
四百里去州迢遞常多擾動昔在南之
日以其統縮勢難曾立巴州鎮靜夷獠
梁州籍利因而表罷彼土民望嚴蒲何

楊非唯一族雖率居山谷而豪右甚多
文學風流亦爲不少但以去州旣遠不
獲進仕至於州綱無由厠迹是以鬱快
多生異圖比道遷建義之始嚴玄思自
號巴州刺史克城以來仍使行事巴西
廣袤千里戶餘四萬若於彼立州鎮攝
華獠則大帖民情從墊江已還不勞征
伐自爲國有魏主不從先是魏主以王

足行益州刺史梁遣張齊將兵救益州
未至魏主更以羊祉爲益州刺史
聞之不悅輒引兵還遂不能定蜀久之
足自魏奔梁邢巒在梁州接豪右以禮
撫小民以惠州人悅之巒之克巴西也
使軍主李仲遷守之仲遷溺於酒色費
散兵儲公事諮承無能見者巒忿之切
齒仲遷懼謀叛城人斬其首以城來降
○南安今劍州普成縣涪今綿州巴西
縣晉穆帝永和中於梓潼郡僞置巴西
宋元嘉十五年割屬益州爲巴西梓潼
二郡治故涪今名巴西縣

梁魏爭漢中

梁天監十三年魏遣高肇督步騎侵益州
梁遣任太洪禦之不克

肇將步騎十五萬命傅豎眼出巴北羊

社出涪城奚康生出綿竹甄琛出劔閣
游肇諫以爲今頻年水旱百姓不宜勞
役往昔開拓皆因城主歸欵故有征無
戰蜀地險隘鎮戍無隙豈得虛動大軍
舉不謹始悔將何及不從軍至晉壽蜀
人震恐傳豎眼將步兵三萬擊巴北梁
遣任太洪自陰平間道入其州詔誘氏
羗絕魏運路會魏大軍北還太洪襲破
魏東洛除口二戍進圍關城豎眼遣姜
喜等擊太洪大破之太洪弃關城走還
天監十四年晉壽歸于梁

傳豎眼性清素民獠懷之元法僧代之
素無治幹加以貪殘王賈諸姓本州士
族法僧皆召爲兵葭萌民任令宗因衆
心之怨魏也殺晉壽太守以城來降民
獠多應之益州刺史鄱陽王恢遣巴西

梓潼二郡太守張齊將兵三萬迎之
天監十五年梁張齊圍武興魏擊敗之復
取東益州

元法僧遣其子景隆將兵拒張齊齊與
戰於葭萌大破之屠十餘城遂圍武興
法僧嬰城自守境內皆叛遣使告急於
魏魏以傅豎眼赴之豎眼入境轉戰三
日行二百里九遇皆捷張齊退白水梓

潼太守苟金龍領關城戍主梁兵至其
妻劉氏拒戰百有餘日梁兵遂退張齊
復去白水侵葭萌傅豎眼敗之齊走還
諸戍皆弃城走東益州復入于魏
普通六年梁蕭淵猷圍魏和安於小劔魏
淳于誕擊敗之

淵猷圍和安於小劔遣其將樊文熾置
柵於龍鬚山上以防歸路魏淳于誕焚

其柵乘而擊之文熾大敗僅以身免
大同元年梁鄱陽王範樊文熾圍晉壽魏
東益州刺史傅敬和來降晉壽歸于梁
敬和豎眼之子也

梁蘭欽引兵敗南鄭梁州刺史元羅降南
鄭歸于梁

自天監四年漢中入于魏凡三十年而
歸于梁

梁簡文帝大寶二年魏侵梁南鄭

侯景之逼江陵也湘東王繹求援於魏
命梁秦二州刺史宜豐侯循以南鄭與
魏循不可魏宇文泰遣達奚武取漢中
循遣參軍劉璠求救於武陵王紀紀遣
潼川刺史楊乾運救之

梁元帝承聖元年梁遣兵救南鄭魏人敗
之

楊乾運至劔北達奚武逆擊破之劉璠
還至白馬西爲武所獲送長安宇文泰
素聞其名待之如舊交時南鄭又不下
武請屠之奏將許之璠請之不許泣請
不已泰曰事人當如是當從其請

梁州刺史蕭循以州叛降于魏

達奚武遣人入南鄭說蕭循曰足下所
固者險所恃者援所保者民今險不足

據援不可恃民不可保而宗國喪亂社
稷無主欲誰爲忠乎循乃請降魏賀蘭
德願請攻之赫連達曰不戰而獲城策
之上者豈可利其子女貪其貨財而不
愛民命乎且觀其士馬猶強城池尚固
攻之不克必彼此俱傷如困獸猶鬪則
成敗未可知也武曰公言是也乃受循
降獲男女二萬口而還於是劔北皆入

于魏○自大同二年漢中歸於梁歷二
十七年而復入于魏

西魏尉遲迥取蜀

梁承聖元年武陵王紀稱帝于城都

紀在蜀十七年南開寧州越嶲西通資
陵吐谷渾內修耕桑鹽鐵之政外通商
賈遠方之利侯景之叛湘東王繹起兵
紀遂稱帝

承聖二年武陵王紀伐江陵魏尉遲迥伐
成都以救之

紀帥諸軍東下留蕭撝守成都梁主繹
甚懼與魏書曰子糾親也請君討之宇
文泰曰取蜀制梁在茲一舉大將尉遲
迥泰之甥也獨以為可迥曰蜀與中國
隔絕百有餘年恃其險遠不虞我至若
以鐵騎兼行襲之無不克矣泰乃遣迥

自散關伐蜀

魏帥圍成都武陵王紀還次于西陵紀衆
滑梁主殺之

成都降魏魏以尉遲迥爲益州刺史

尉遲迥圍成都五旬蕭撫屢戰皆敗乃
請降諸將欲不許迥曰降之則將士全
遠人悅敗之則將士傷遠人懼矣受之
魏以迥爲益州刺史○蜀自晉惠帝元

康八年戊午李特亂至梁承聖元年壬
申入于西魏凡二百四十五年

論曰蜀在江左歷晉宋齊梁若存若亡
者凡二百年而夏侯道遷以漢中入于
魏非魏能取之梁自亡之也歷三十年
據于魏而元羅又以漢中歸于南又歷
二十七年歸于梁而蕭循復以漢中入
于北亦非魏能取之梁自亡之也漢中

既亡而魏人以涪城爲重鎮涪城今綿
州武陵王紀空國東下尉遲迥擣虛而
來蕭撫遂以成都降矣豈迥之威武足
以加蜀哉蜀一也諸葛孔明以一隅之
地抗衡中原而有餘江左諸人以吳蜀
之全保蜀而不足果在德不在險也

